

Soba Shirkii-Kutaa 8

Description

Wantoonni Rabbii gaditti gabbaraman nama fayyisuu fi badii namaaf araaramu hin dandaâ€™an

Sababni biraa namoonni Rabbii oltaâ€™aan ala wanta biraa itti gabbaraniiif qaamaa fi qalbii isaaniitiif fayyaa barbaadudha. Yoo dhibaman ykn namni issaan jalaa dhibame, gara nama waliyyi jedhanii odeessanitti deemun akka issaan fayyisu kadhatu. Yookiin silati fi wareega dhiyeessuf. Kiristaanonnis â€œIyyasuus nama fayyisaâ€¢ jechuun waqaeffatu. Ammas, cubbuun akka isaaniif araaramamuuf gara qeysi deemu. Kuni hundi soba sheyxaanni isaaniif miidhagseedha. Kan dhugaadhaan nama fayyisuu fi cubbuu namaaf araaramu Rabbii oltaâ€™aa qofa. Nabii Ibraahim dhugaa kana hubachuun ummata isaa waliin ni falme:

﴿قَالَ أَفَرَءَيْتُمْ مَا كُنْتُمْ تَعْبُدُونَ ﴾٧٥٠ أَنْتُمْ وَعَابَاؤُكُمُ الْأَقْدَمُونَ ﴿٧٦﴾
 فَإِنَّهُمْ عَدُوُّ لِي إِلَّا رَبُّ الْعَالَمِينَ ﴿٧٧﴾ الَّذِي خَلَقَنِي فَهُوَ يَهْدِنِي ﴿٧٨﴾ وَالَّذِي
 هُوَ يُطِعِّمُنِي وَيَسْقِينِي ﴿٧٩﴾ وَإِذَا مَرِضْتُ فَهُوَ يَشْفِيَنِي ﴿٨٠﴾ وَالَّذِي يُمِيتُنِي ثُمَّ
 يُحْيِيَنِي ﴿٨١﴾ وَالَّذِي أَطْمَعُ أَنْ يَغْفِرَ لِي خَطَايَاتِي يَوْمَ الدِّينِ ﴿٨٢﴾﴾

(75)-Innis (Ibraahim) ni jedhe, â€œSila wanta gabbaraa turtan argitanii? (76)-Isinii fi abbootin keessan duraanii? (77)-Gooftaa aalamaa malee dhugumatti issaan anaaf diinota. (78)-[Gooftaan aalamaa] Kan na uumedha, Inni na qajeelcha. (79)-Kan na nyaachisuu fi na obaasu Isa. (80)-â€œ **Yommuu dhibame Isatu na fayyisa.** (81)-Kan na ajjeesu ergasii na jiraachisuudha. (82)-Guyyaa Murtii dogongora kiyya akka naaf araaramu Kan kajeeludha.â€¢ Suuratu Ash-Shuâ€™uraa 26:75-82

Ibraahim ni jedhe, â€œSila wanta gabbaraa turtan argitanii? Isinii fi abbootin keessan duraanii?â€¢ Wanta isinii fi abbootin keessan darban Rabbii gaditti gabbartan itti xinxalluun sammuu fi qalbii keessaniin soba taâ€™uu isaa hin argitanii? Isiniis abbooti keessan akkeessun sanama gabbaruu itti fuftan.

â€œGooftaa aalamaa malee dhugumatti issaan anaaf diinota.â€¢ Sababni isaas, Gooftaa aalamaa gaditti wanti isin gabbartan kunniin amala gabbarama issaan taasisu waan hin qabneef baaxila (soba). Baaxilli immoo diina kiyya. Gonkumaa wanta isin gabbartan ani hin gabbaru. Kan ani gabbaru sanama homaa gochuu hin dandeenyeye osoo hin taâ€™in Gooftaa wantoota hundaa uume, issaan tooâ€™atu fi qindeessu gabbara. Itti aansee amaloota Gooftaa aalamaa akka gabbaruu isa taasisuu ifa godhe:

â€œ[Gooftaan aalamaa] Kan na uumedha, Inni na qajeelcha.â€ Kana jechuun safara wanta hundaa na keessa jiran kan murteesse fi dhabama irraa na argamsisee Gooftaa aalamaati. Ergasii Isa qofatu gara faaydaa addunyaa fi Aakhiraatti na qajeelcha.

â€œKan na nyaachisuu fi na obaasu Isa.â€ Kan na nyaachisuu fi obaasu Isa qofa. Isaan ala kan biraati miti. Soorata namootaa kan uumuu fi sababoota kan laafisu Rabbiidha (subhaanahu wa taâ€™aalaa). Ibraahim isaan keessaa tokko. Osoo Rabbiin uumuu fi murteessu baate, silaa biqiltoonni hin biqilan, lubbu-qabeenyin hin jiraatan. Osoo karaa nyaataa laaffisuu baatee, silaa sorataan dachii irraa homaa hin nyaatu ture. Osoo Rabbiin lubbu-qabeenyiif afaan ittiin nyaatan, ujumoo gara garaa ittiin liqimsaan, meeshaalee daakkaa nyaataa daaku, ujumoollee fi kutaalee qaamaa nyaata bakka barbaachisutti raabsanii fi xurii hafee immoo gara alaatti baasan gochuu baate, silaa lubbu-qabeenyin soorata hin sooratu turan. Ammas, marsaalee adda addaa keessa dabarsuun bishaan uumee samii irraa kan buusu Rabbii tokkicha. Kanaafu, kan soorata uumuu, sababa soorataa laaffisuu fi qaamoolee soorataa namaaf uumuun nama sooruu fi obaasu Rabbii Tokkicha qofa.

â€œYommuu dhibame Isatu na fayyisaâ€ Asitti Ibraahim Rabbii oltaâ€™aa waliin naamusa (adaba) qabate. Yommuu Gooftaan kiyya na dhukkubse hin jenne. Kana irra â€œeyommuu dhibameâ€ jedhe. Kuni, namni wanta jibbu yommuu isa qunnamu Gooftaa isaa waliin adaba (naamusa) qabaachu akka qabu agarsiisa. Nabii Ibraahim (aleyh salaam) â€œeyommuu dhibame kan na fayyisu Rabbiin qofa.â€ jedhe. Sababni isaas, fayyuun murtii Rabbiitiin malee galma hin gahu. Dhibamaan akka fayyu yoo Rabbiin murteesse, ogeessi fayyaa dawaa fayyuuf sababa taâ€™u akka kennuu dandeesisa. Dhibamaanis hayyama Rabbiitiin ni fayya. Dawaanis sababoota Rabbiin uumee keessa tokko. Fayyuun murtii Rabbiitiin malee hin mirkanaaâ€™u.

â€œKan na ajjeesu ergasii na jiraachisuudha.â€ Lubbu-qabeenyi ajjeessun uumama Rabbiin uumee keessaa tokko. Sababni isaas, duuti kan mirkanaaâ€™u yommuu ruuhi fi qaamni addaan bahaniidha. Ruuhi qaamatti qabsiisuu fi addaan baasun uuminsa fi hojji Rabbii qofa. Rabbiin ala eenyutu ruuhi uumee qaama duâ€™aa keessa galchuu dandaâ€™aa^[1] Nabii Ibraahim itti aansee amanti Guyyaa Qiyaamaatiif qabu labse, â€œergasii na jiraachisuudha.â€ Erga duâ€™ee yeroo murtaaâ€™eef awwaalcha keessa turee booda Guyyaa Qiyaamaa na jiraachisuun kan na qoratu Rabbiin qofa. Kanaafu, Qiyaamaan dhufuun haqa waan taâ€™eef â€œGuyyaa Murtii dogongora kiyya akka naaf araaramu Kan kajeeludha.â€ Addunyaa fi Aakhiratti badii kan namaaf dhoksuu fi irra namaaf darbu Rabbiin malee hin jiru. Rabbiin malee badii hunda kan namaaf araaramu ni jiraa?^[2]

Kana hunda kan hojjatu Rabbii tokkicha. Kanaafu, sanamaa fi uumamtoota biroo kan homaa hin uumne, hin qajeelchine, hin fayyisne, hin nyaachisnee, hin obaasnee, hin ajjeesne, hin jiraachisne, nama isaan waaqefatu hin fayyannee fi miidhaa irraa hin deebisne dhiisun ibaadaa fi ajajamuu keessatti Rabbiin tokkichoomsuun dirqama.^[3]

Date Created

July 1, 2020

Author

admin